

YKS LAPSI mona kieltä



ONNITTELEN

Sinun lapsi on yks miljoonista joka kasvaa monikielisissä perheissä.

KÄYTÄ PIKKUPUHETTA JA LAULA SINUN ”SYÄMEN-KIELELÄ” SINUN VAUVAN KANS

- Sen paremin kun ossaa äitinkieltä sen suuremat on eelytykset ette oppia yhen kielen lissä.
- Sen enemän kun saapi kuulla ja puhua yhtä kieltä sen etevämäks sitä tulee.
- Leikissä muitten lasten kans kehitty sekä lapsen sosiaalinen taito ette kielen pätevyys. Siksi on hyvä kohata samanikäsiä jotka puhuvat sammaa kieltä.

KIELENOPPIMINEN ALKAA VARHAIN

- Jo ennen syntymää lapsi oppii tuntheen äitin kielen. Kokheet on näyttänheet ette neljä päivää vanhaat lapset valikoivat äidin kielen, jota yks muu vaimo puhuu, kun muita kieliä mitä sama vaimo puhuu.
- Kaikki mailman kieliäännet sisältyvät lasten jolinassa, mutta lapsi säilyttää vain kieliäännet ympäristön kielessä.
- 10 kuukauen iässä lapsi ”puhhuu” pitkiä jolinamonolookia missä on rytmiä ja painostusta joka muistuttaa ympäristön kieltä.

KUINKAS LAPSET TULEVAT MONIKIELISEKS?

- Koska ruotti tulee olheen duminantti kieli sinun lapsele kaveritten ja koulun kautta se on tärkeä ette lapsi saapi ottaa ossaa perheen kielestä moni eri yhteyvessä.
- Jatka puhua sinun äitinkieltä vaikka lapsi vastaa ruottiks. Kehota lasta käyttää teän yhteistä kieltä.
- Näytä lapsele ette sie olet ylpeä sinun kielestä, vaikka muut ei puhu sitä.
- Jos sie eli sinun partneri ette ole ruottinkielisiä se on tärkeä ette tet molemin oletta positiivisia ette lapsi oppii ruottia. Jos teilä on eri kieliä se on tärkeä ette tet kans arvostetta toisten kieliä.

MONIKIELINEN KEHITYS

- Lapsi joka kasvaa monela kielelä alkaa puhumhaan samala iälä kun ykskieliset lapset.
- Monikielinen kehitys seuraa periaatheessa sammaa kehitystä kun ykskielisten lasten kehitys.

- Monikieliset lapset oppivat varhain erottamaan omia kieliä ja tulevat siksi kielellisesti tietoiset varemmin kun yksikieliset lapset.
- Lapsen eri kielet tulevat dumineeramhaan eri elämän vaiheissa.

Hallita yhtä kieltä on ette osata toimia siinä miljöössä missä sitä oleskellee.

Jos miljöö on monikielinen lapsi tarttee kaikki hänen kielet.

Yhteenkuuluvuuden tarve ihmisten kans ketä lapsi rakastaa ja on lähelä on ratkaiseva mitä kieltä eli kieliä lapsi tullee oppimhaan.

Paras keino sinun lapsele oppia sinun kielen on into ja ilo. Siis koita kehottaa kiinostusta laulamalla, leikkimällä ja kertomalla juttuja. Ja kun lapsi tullee vanheemaks – lukekaa yhdessä!

Kirjastolla on lastenkirjoja monela eri kielilä.

EI MIKHÄÄN SAATA KORVATA YHTEISTÄ PIKKUPUHETTA

Paras keino oppia puhumhaan – riipumatta jos koskee yhtä eli monta kieliä – on vuorovaikutus sinun eli jonku muun tärkeän henkilön kans. Mutta ei mikhään saata koskhaan korvata yhteistä pikkupuhetta!

KOSKAS PITTÄÄ OTTAA YHTEYTTÄ LOGOPEEDIN KANS?

- Jos sie piät ette sinun lapsen kielen kehitys mennee hithaamin kun siskoila ja samanikäisillä vastaavissa tilantheissa.
- Jos sinun lapsi on ollu ruottalaisessa kielimiljöössä (esikoulu, päiväkot) yhen ja puolen ja kahen vuen aikana mutta silti ei puhu ”arkikielen ruottia” jota mennee oottaa tapahtuvan.

Sillon sie piät kääntyä sinun BVC-siukkasysterin eli logopeedin tykö.



Kieliverkko on yhteistyö näitten kesken
Uppsalan läänissä: BVC, kirjastot, Auki esikoulu ja logopedi.